

Na osnovu člana 16. stav 5. Zakona o zaštiti životinja od zaraznih bolesti koje ugrožavaju cijelu zemlju ("Službeni list RBiH", br. 2/92 i 13/94) i člana 124. st. 1. i 3. Zakona o državnoj upravi - Novi prečišćeni tekst ("Službeni list RBiH", broj 26/93), a u vezi sa članom IX 5. (1) Ustava Federacije Bosne i Hercegovine, federalni ministar poljoprivrede, vodoprivrede i šumarstva, propisuje

**PRAVILNIK  
O MJERAMA ZA SUZBIJANJE I ISKORJENJIVANJE  
GOVEĐE SPONGIOFORMNE ENCEFALOPATIJE**

Član 1.

Ovim se pravilnikom propisuju mjere za suzbijanje i iskorjenjivanje goveđe spongioformne encefalopatije (u daljem tekstu: G. S. E.).

Član 2.

Sumnjivim na oboljenje od G. S. E. smatraju se goveda kod kojih se epizootiološki i klinički opravdano posumnja na tu bolest.

Oboljelima od G. S. E. smatraju se goveda ako se kliničkim pregledom za života ustanove znaci te bolesti, a laboratorijskim metodama u mozgu uginulih ili eutaniziranih kliničkih sumnjivih goveda utvrde svojstvene (patognomične) promjene za G. S. E.

Član 3.

Dijagnostičko-laboratorijske pretrage iz člana 2. stav 2. ovog pravilnika obavljaju laboratorije veterinarskih specijalista i organizacija.

Član 4.

Vlasnik životinja dužan je svaku promjenu ponašanja ili sumnju na bolest prijaviti nadležnom veterinarskom inspektoratu. Veterinar koji tokom kliničkog pregleda, uključujući i pregled prije klanja, posumnja da je govedo oboljelo od G. S. E., dužan je sumnju odmah prijaviti nadležnom veterinarskom inspektoratu. Nakon prijema prijave iz st. 1. i 2. ovog člana nadležni veterinarski inspektor dužan je izvršiti pregled goveda i ako potvrdi sumnju na G. S. E. odmah je prijaviti Federalnom ministarstvu poljoprivrede, vodoprivrede i šumarstva - Sektor za veterinarstvo.

Član 5.

U dvorištu i ostalim objektima u kojima je utvrđena G. S. E. ili osnovana sumnja na ovu bolest naredit će se ove mjere:  
1. Zatvaranje zaraženog i na zarazu sumnjivog dvorišta ili objekta;

2. Zabranjena kretanja, otušivanja i klanja svih goveda i njihovog podmlatka;
3. Zabranjena iznošenja i prometa proizvoda, sirovina i otpadaka porijeklom od goveda;
4. Popis i označavanje svih goveda vrstom i vrstom s oznakom G. S. E.;
5. Eutanazija svih goveda;
6. Neškodljivo uklanjanje spaljivanja i eutanaziranih goveda;
7. Neškodljivo uklanjanje spaljivanjem životinjskih proizvoda, sirovina i otpadaka porijeklom od goveda;
8. Zabranjena svih krvnih zahvata na govedima, osim za dijagnostičke potrebe.

#### Član 6.

U zaraženom i na zarazu sumnjivom području provest će se ove mjere:

1. utvrđivanje epizootičkog stanja, izvora bolesti i puteva njenog širenja;
2. zabrana izdavanja uvjerenja o zdravstvenom stanju goveda svih kategorija;
3. zabrana održavanja sajмова svih oblika, izložbi i drugih javnih smotri goveda;
4. popis i obilježavanje svih goveda, teladi, junica i krava.

#### Član 7.

Dijagnostičke zahvate na uginulim i eutanaziranim govedima iz člana 2. ovog pravilnika, uključujući i dostavu dijagnostičkog materijala, obavljaju radnici laboratorija iz člana 3. ovog pravilnika.

#### Član 8.

Lešine uginulih i eutanaziranih goveda, proizvodi, sirovine i otpaci porijeklom od oboljelih i na oboljenje sumnjivih goveda, moraju se uništiti neškodljivim samo u odgovarajućem, za tu svrhu namijenjenom objektu.

Postupak neškodljivog uklanjanja materijala iz stava 1. ovog člana propisat će se posebnim uputstvom koje će biti sastavni dio ovog pravilnika.

#### Član 9.

Smatra se da je G. S. E. u zaraženom dvorištu ili objektu prestala ako su provedene sve mjere iz čl. 5. i 6. ovog pravilnika.

#### Član 10.

Ovaj pravilnik stupa na snagu danom objavljivanja u "Službenim novinama Federacije BiH".

Broj 01-021-1514/96  
4. decembra 1996. godine  
Sarajevo

Ministar  
dr **Ahmed Smajić**, s. r.